

SU CORONAVIRUS NOU: SU PRONTUÀRIU

ITE FÀGHERE IN CASU DE DUDAS

1. A cale signales tocat de istare atentos?

Frebba e signales comente cussos de s'influèntzia, su tùsciu, su dolore de gula, su respiru curtzu, su dolore a sos mùsculos, s'istrachidùdine sunt totu signales de una possibile infetzione dae su Coronavirus.

2. Ite depo fàghere si apo sa frebba o àteros signales de influèntzia?

Si in sas ùrtimas 14 dies ses istadu a canta a persones infetadas dae su COVID-19 o ses istadu in carchi logu in ue b'est su Virus o si as traballadu in carchi ispidale in ue b'aiat malàidos de COVID-19, depes abbarrare in domo tua e depes telefonare a su Dutore tou, a su pediastra o a sa guàrdia mèdica.

3. A pustis de cantu tempus depo telefonare a su Dutore?

Deretu. Si pensas de nd'èssere cundidu, telèfona si t'abizas de àere problemas a respirare e ispiega sos signales e sos cuntatos perigulosos.

4. Ite depo fàghere si su Dutore non mi rispondet?

Telèfona a unu de sos nùmeros chi s'agatant in su giassu internet de su governu www.salute.gov.it/nuovocoronavirus

5. Deo poto andare a s'ispidale o a su Dutore?

Nono. Si andas a s'ispidale o a s'ambulatòriu de su Dutore sena àere cuncordadu cun su Dutore podes atacare sa malàdia a àteras persones.

6. Comente poto amparare sos parentes mios?

Depes sighire sas règulas detzisas pro s'igiene (sabuna·di sas manos cun abba e sabone o impita produtos fatos cun s'ispiritu) e mantene s'ambiente netu. Si pensas de èssere cundidu pone·di una mascaredda de dutore, abbarra a distàntzia e disinfeta semper sos trastes chi impitades totu.

7. In ue poto fàghere sa proa pro ischire si so sanu?

Sa proa benit fata solu in sos laboratòrios de su Servìtziu Sanitàriu Natzionale. Si su Dutore pensat chi ti servat una proa t'at a nàrrere comente fàghere.

8. In ue poto agatare sas informatziones giustas?

Sighi sas indicatziones ispecìficas chi s'agatant in sos giassos internet ufiziales de sas autoridades locales e de sa Protetzione Tzivile.

Die 9 de su mese de Martzu de su 2020



Ministero della Salute



salute.gov.it/nuovocoronavirus